



Nanortalik, 27. juli 2012

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

- 1. Nunatsinni meeqqat atuarianni ullumikkut meeqqat nalinginnaasumik atuartinneqarnissap saniatigut immikkut pisariaqartitsisut periarfissaat pillugit Naalakkersuisut nalunaarusioqqullugit peqquneqarnissaanik Inatsisartut 2011-mi ukiakkut ataatsimiinneranni siunnersuuteqarpunga (UKA 2011/58). Naalakkersuisut nalunaarusiornerat sumut killippa?**
- 2. Naalakkersuisut nalunaarutigaat siunnersuut suliniuteqarfissamut "Suliniutinik nalilinneq, malinnaaviginninneq uuttuinerlu" Meeqqanut Inuusuttunullu Periusissiamut, ilaatigut qularnaarumallugu naalakkersuisoqarfiit akimorlugit qarasaasiakkut paasissutissanik pilersitsinissamut ilanngunniarlugu. Qanoq isikkulerlugu Naalakkersuisunit saqqummiunniarneqarpa?**

(Inatsisartunut ilaasortaqaq Debora Kleist, Inuit Ataqatigiit)

### **Tuungavilersuut:**

Inatsisartut ukiakkut 2011-mi ataatsimiinneranni, imm. UKA 2011/58, Inuit Ataqatigiit sinnerlugit aalajangiiffigisassatut siunnersuutiga, amerlanerussuteqartunit Naalakkersuisunillu taparserneqarpoq.

Oqallinneq aallaavigalugu assigiinngitsutigut qulaajaanissat suliniuteqarnissallu pingaaruteqartutut isigaagut, meeqqat inuusuttullu innarluuteqartut sulii pitsaaneruseqarpoq atuar-titaanissaat anguniarlugu.

Taamanikkut Naalakkersuisut nalunaarutigaat pilersaarutigalugu misissuinerit nalilersuinerillu Meeqqanut Inuusuttunullu suleriesissamut ilanngullugit saqqummiunneqarnissaat 2012-imi pissasoq. Siunnersuutip pineqartup piviusunngortinneqarnissaa qanoq ingerlaqqikkumaartoq paaserusukkakku, Naalakkersuisunut apeqquteqarnera tunngaveqarpoq.